

# Իմ անձնական և կրթական ուղին, նպատակներն ու ապագայի տեսլականը

Իմ կրթական ճանապարհը ձևավորվել է ոչ միայն ակադեմիական հետաքրքրությունների, այլև կյանքի դժվարությունները հաղթահարելու փորձի միջոցով: Հայրիկիս կորուստը իմ կյանքի ամենածանր փորձություններից էր: Այդ ժամանակից հետո ես, լինելով ընդամենը 7 տարեկան, ստիպված էի ավելի ինքնուրույն դառնալ և պատասխանատվություն ստանձնել սեփական ապագայիս համար: Մարզից Երևան տեղափոխվելը, վարձով բնակվելը և ուսումնա աշխատանքի հետ համատեղելը հեշտ ճանապարհ չեն եղել, սակայն այդ պայմանները երբեք չեն ստիպել ինձ հրաժարվել կրթական նպատակներից: Ընդհակառակը՝ դրանք ինձ սովորեցրել են լինել աշխատասեր, կազմակերպված և հետևողական:

Բակալավրի կրթությունս ստացել եմ Երևանի պետական համալսարանում՝ «Միջազգային հարաբերություններ» մասնագիտությամբ: Համալսարանական տարիներին ձգտել եմ զարգանալ ոչ միայն ակադեմիական, այլև գործնական ոլորտում՝ անցնելով մասնագիտական պրակտիկա ՀՀ Ազգային ժողովում: Այս փորձառությունները օգնեցին ինձ ավելի հստակ պատկերացնել իմ մասնագիտական ուղղությունը և ամրապնդեցին միջազգային հարաբերությունների նկատմամբ հետաքրքրությունս:

Ուսման ընթացքում ձևավորվեց նաև իմ խոր հետաքրքրությունը միջազգային իրավունքի նկատմամբ, ինչի արդյունքում որոշեցի շարունակել կրթությունս մագիստրոսական մակարդակում միջազգային իրավունքի ուղղությամբ: Ցանկանում եմ միջազգային հարաբերությունների ոլորտում ձեռք բերած գիտելիքներս համադրել իրավական խորացված կրթության հետ և ապագայում աշխատել դիվանագիտության, միջազգային կազմակերպությունների կամ պետական կառույցների ոլորտում:

Իմ նպատակն է դառնալ մասնագետ, ով կարող է ներկայացնել Հայաստանը միջազգային հարթակներում, նպաստել միջազգային համագործակցությանը և իր գիտելիքներն օգտագործել հասարակության ու երկրի համար օգտակար աշխատանք կատարելու նպատակով: Ինձ համար կրթությունը պարզապես դիպում է. այն հնարավորություն է զարգացնելու իմ ներուժը, ձեռք բերելու մասնագիտական անկախություն և ապագայում արժեք ստեղծելու:

SOAR Global-ի կրթական հովանավորությունը ինձ հնարավորություն կտա շարունակել մագիստրոսական կրթությունս և առավել կենտրոնանալ մասնագիտական զարգացմանս վրա: Այդ աջակցությունը ես կընկալեմ ոչ միայն որպես ֆինանսական օգնություն, այլև որպես վստահություն իմ ներուժի և անցած ճանապարհի նկատմամբ: Ես ցանկանում եմ այդ վստահությունն արդարացնել՝ առավելագույնս օգտագործելով կրթության ընձեռած հնարավորությունները և ապագայում իմ մասնագիտական գործունեությամբ օգտակար լինելով Հայաստանին և հասարակությանը:

Իմ անցած ճանապարհին ինձ սովորեցրել է, որ դժվարությունները կարող են փոխել մարդու պայմանները, բայց չպետք է որոշեն նրա ապագան: Ես ընտրել եմ առաջ շարժվելու ճանապարհը և ցանկանում եմ կրթության միջոցով կառուցել այն ապագան, որի համար այսօր հետևողականորեն աշխատել եմ տարիներ շարունակ:

## Ուսման վարձի ֆինանսավորման անհրաժեշտ գումարի մանրամասները

Ես սովորում եմ Երևանի պետական համալսարանի «Միջազգային իրավունք» մագիստրոսական ծրագրում: Ծրագիրը նախատեսված է 3 կիսամյակի համար, յուրաքանչյուր կիսամյակը՝ 500.000 ՀՀ դրամ, իսկ ընդհանուր ուսման վարձը կազմում է 1.500.000 ՀՀ դրամ (~4.110 \$):

Համալսարանում հրամանագրվելու համար ես արդեն վճարել եմ 125.000 ՀՀ դրամ (~340\$), քանի որ սահմանված էր հստակ ժամկետ մինչև հուլիսի 20:

Ուստի ներկայումս մնացած ուսման վարձը կազմում է 1.375.000 ՀՀ դրամ (~3770\$):

Կրթական հովանավորության ցանկացած չափի աջակցություն ինձ համար մեծ նշանակություն կունենա և հնարավորություն կտա շարունակել ուսումնա: